

LETTRE
DE NOSTRE S.
PERE LE PAPE, ESCRITE
A MESSIEVRS DV CLERGE'
deputez aux Estats de ce
Royaume.

Avec la responce faicte par L. E. D.

LETTER
OF THE
MORTALS
TO THE
LIVING
A MESSAGE
FROM THE
DEAD TO THE
LIVING

AND THE
LIVING TO THE
DEAD

A NOSTRE VENERA-
 ble Frere, & nos chers & bien amez
 fils les Cardinaux de la sainte Eglise,
 & semblablement à nos venerables
 freres les Archeuesques, Euesques: com-
 me aussi à nos chers & bien-aymez fils
 les Abbez, & autres du Clergé du
 Royaume de France, assemblez & con-
 gregez aux Estats generaux d'icelle.

PAVL V. PAPE.

VENERABLE Frere & nos
 chers & bien - ayez fils,
 comme pareillement ve-
 nerables Freres & chers & tres-ay-
 mez fils salut & benediction Apo-
 stolique. Nous auons esté si trou-
 blez de la grande hardiesse de quel-
 quevns, lesquels comme nous auons
 appris, ont tasché de violer la sainte
 & sacree auctorité du Siege Aposto-
 lique, en l'assemblee publique tenue

4
à Paris le 2. iour de Ianuier, que si l'assurance que nous auons certaine en l'excellente pieté & prudence de nos tres-chers Fils & Filles, le Roy Louys & la Royne Marie sa mere ne nous eust consolé: lesquels nous auons entendu auoir iusques icy soigneusement rabbatu ces attentats & entreprises si imprudentes: & aussi si n'auions confiance au zele merueilleux duquel estant embrasez, vous auez neantmoins constamment & genereusement, que sagement & pieusement resisté à vne si grâde temerité, nous eussions esté saisis d'une douleur du tout insupportable. Et à la verité, ce presage nous eust esté trop en horreur, veu que (non sans cause) nous pourrions craindre que ceste flamme ne passast du miserable embrasement d'Angleterre en France, à la conflagration & combustion de toute vraie pieté & religion en ce tres Chrestien

Royaume, laquelle pieté & Religio^s
aydant Dieu, nous vous promettons
receuoir toujours à l'aduenir accrois-
sement & augmentation par la ma-
nutention & deffense d'un Roy si
pieux, à ce principalement nourry en
tres-grand soin par sa tres-religieuse
mere & vrayemēt tres-Chrestienne.
Et dauātage, vous mesme vous y'em-
ployant diligemment, comme vous
auez tousiours faict loüablemēt. Au
surplus, combien que nous ne soyōs
peu soulagez de telle esperance, si est
ce que toute fois nous ne sommes pas
exempts ny priuez d'affliction & fas-
cheries: Au contraire grandement
tourmentez: considerāt à part-nous
en quelle tempeste si contraire & si
grāde, auons entrepris par la dispo-
sition & prouidence incogneue, &
occulte de Dieu, le gouuernement de
la Nasselle S. Pierre, craignans & re-
doutās que, peut estre par nostre ne-

6
gligence, la sentine des vices ne soit
augmentee. Et que pour cela la navi-
gation presente ne soit tousiours da-
uantage perilleuse, & plus difficile.
Pour ceste cause & raison, nous re-
courons incessammēt à implorer l'ai-
de & secours de Dieu, lequel comme
il a voulu que nous fussions assis en
ceste Nasselle, & que nous tinssions
le gouuernail d'icelle sans aucun au-
tre merite. Aussi ne pensions nous en
rien moins qu'en cela, nous le prions
qu'il ne permette, pendant que les
flots s'esslancent contre nous, & qu'ils
s'enflent du costé du comble de la
mer agitee, & que l'orage vient par
derriere : neantmoins qu'il se fasse
aucune perte d'un si fort esbranle-
ment de ceste Nauire. Ce pendant
nous rendons graces infinies à sa bō-
té immense de ce qu'au plus grand
danger, que nous ayons esté iusques
icy, elle nous a si à propos secouru, à

ſçauoir par voſtre tres-ſinguliere ver-
 tu, & de ce qu'elle a preueu au ſalut &
 conſeruation de noſtre bien aymé
 Royaume de France, par le conſeil,
 trauail & religieuſe vertu de l'Ordre
 Eccleſiaſtique d'iceluy: & d'autre co-
 ſté nous vous congratulons gran-
 dement, & pareillement vous louōs
 fort, de ce que voſtre France voit re-
 florir en vous le zele, la pieté, la do-
 ctine, & la grandeur de courage de
 ces Saincts Peres, S. Denys, S. Hilaire,
 S. Martin, S. Bernard, & des autres, la
 memoire deſquels eſt beniſte à cauſe
 de leur affection en l'hōneur de Dieu
 & la dignité Eccleſiaſtique: mais auſ-
 ſi de ce que la ſaincte Eglise vniuer-
 ſelle de Dieu, peut recognoiſtre des
 Cardinaux de voſtre compagnie de
 telle excellence & vertu, qu'il eſt cō-
 uenable à des merites ſi dignes de ce
 S. ſiege Apoſtolique: & des Eueſques,
 Prelats, & gens qui ont charge d'a-

mes, qui vrayement soient tous fideles
& dignes seruiteurs de leurs Maiestez,
veu qu'ils ont mōstré par efect qu'ils
ayment dauātage leur gloire qu'eux
mesmes: vrayement Pasteurs de Iesus
Christ, lesquels n'ont redouté d'em-
ployer leur propres vies pour le salut
de leurs troupeaux, quād par l'effusiō
de leur propre sang, ainsi qu'il nous a
esté raporté, ils se sont mōstré prests
de defendre avec vne si grāde ardeur
& ferueur le bercail de leur Maistre:
Asçauoir les droicts de l'Eglise, nous
vous en louons donc grandement,
& derechef vous en cōgratulons: car
quia-il de plus louable & plus digne
de gloire que les Prestres de Dieu, en
postposāt toute pieté humaine, ayēt
constamment defendu la dignité de
la sainte Eglise, & ayēt negligé leur
propre vie pour vn zeile de deffendre
la verité Catholique? Comme aussi
doit-il estre reputé à tres-grāde heurt

de ce qu'il est arriué qu'õ a faict vn tel
essay de vostre vertu sacerdotale, lors
qu'il regnoit en vostre Royume, nõ
moins la pieté & religion du Roy S.
Louys son ayeul, qui refflorit aussi en
iceluy la memoire de son nõ si plein
de gloire. C'est pourquoy nous vous
exhortons de tant plus, que vous per-
sistiez tousiours de plus en plus en ce
que vous auez si louablement com-
mancé, & Dieu semblablement pa-
racheuera l'heur qu'il a commencé
en vous, & recognoissez maintenant
sa main toute puissante qui esmeut
les cœurs des Rois qu'elle possède ad-
mirablement : Ce pendant efforcez-
vous vnaniement contre l'impetuo-
sité de ceste cruelle mere, esbranlee
par les cruels flots de la superbe hu-
maine, & par le tourbillõ de la pru-
dence du siecle, qui est separee de la
crainte de Dieu : Il appaisera entiere-
ment ces tempestes esleuees, luy qui

n'a manqué d'assister ses disciples lors qu'ils ont vogué parmy les flots, il permet bien qu'on soit tenté, mais il tire profit de la tération: Ayez donc bon courage, que la sentinelle se fait là hault, & que l'espion voit le combat des siens, à fin qu'il rende à vn chascun la recompense digne de son propre trauail: & celuy qui aura vaillamment combattu, sera dignement couronné. Quant à nous qui vous auons tousiours porté vne tres-grande charité & dilection en Dieu, & comme nous vous auons tousiours grâdement aymé, aussi faisons nous tres-grand estat de vostre tres-singuliere vertu: Nous vous offrons tres-amiablement tout ce que en Dieu nous vous pouuons apporter d'ayde & consolatiō en ceste occasion, vous estās merueilleusemēt obligez d'vn si beau & si admirable faict: veu que cependant nous ne laissons de prier

Dieu incessammēt, qu'il daigne toujours vous conseruer & fortifier en son S. seruice, avec accroissement de la saincte grace. Et d'autant que no^s ne pouuons par escrit vous declarer assez selon nostre desir, l'affection de nostre cœur enuers vous, nous auons mandé à venerable frere Robert, Euesque de Spolette, nostre Nonce Apostolique, qu'il traite plus amplement de bouche avec vo^s ce qu'il a en charge plus au long de nous, qui pareillement vous declarera plus auant, ce que nous pensons estre à propos pour paracheuer entierement ceste affaire, vous aurez dōc mesme croyāce en tout ce qu'il vous dira qu'auriez en nous mesmes si nous parlions: Dieu vous fasse perseverer en tout bon œuvre, & conduisant tousiours vōs œuvres & intentions, selon son saint plaisir, & nous vous donnons & departons

nostre benediction Apostolique tirez des profonds des entrailles de nostre charité: escrit à Rome à sainte Marie Maieure, souz l'anneau du pescheur, le dernier iour de Ianuier; 1615. & de nostre pontificat le quinzieme.

Pierre Stroz.

TRES-SAINCT PERE,
APRES VOVS AVOIR TRES-
humblement baisé les pieds.



L ne faut que V. S. festonne, si en vn Royaume qui autrefois a esté si florissant en pieté. L'Eglise y est maintenant affligée par ses propres enfans : l'heresie a cela de propre que non seulement elle naist & vit de diuision : mais aussi par son audace accoustumée, elle l'inspire dans les esprits des Catholiques, & les porte insensiblement à se separer de leur Mere, & oubliant le respect qu'ils luy doiuent à entreprendre sur ce qui est de sa charge & de son autorité : mais Dieu qui d'une parole sceut contenir les flots de la mer irritée, & par mesme moyen confirma la foy de ses disciples, ne dort iamais durant

ces agitations, & les ſçait tellement
 apaiser, qu'elles reüſſiſſent à ſon hon-
 neur & à ſa gloire. Ainſi en eſt-il ar-
 riué en ceſte derniere occaſion, & le
 mal qu'on a penſé faire à l'Egliſe, a
 produit beaucoup de bons effects.
 Le deſplaiſir que no^s auons eu, voyāt
 les Catholiques meſmes vouloir co-
 gnoiſtre de choſes concernāt la Foy,
 & ſeduits d'un zele peu conſideré, re-
 ſoudre des propoſitions dont ils ne
 doiuent auoir ny entreprendre au-
 cune cognoiſſance que par la voix de
 leurs Paſteurs, c'eſt changé en con-
 tentement, quand vaincus de nos iu-
 ſtes remonſtrances, ils ont recogneu
 que ceſte authorité apartenoit à l'E-
 gliſe ſeule, & à ceux qu'elle a eſtablis
 pour leur conduite: Ces ennemis pa-
 reillement ont pris par l'aſſiſtance
 qu'elle a receu du Roy & de la Roy-
 ne ſa mere, que ces puiffances ſouue-
 raines ſont eſtablies de Dieu pour la

seruir & la deffendre.

L'heureux succez de ceste affaire, doit aussi contenter V.S. & luy faire esperer que Dieu aura vn soin particulier de l'Eglise en ce Royaume, & qu'estant seruie par tant de pasteurs, & autres Euesques si capables & si affectionnez, elle surmōtera tousiours les efforts de ces ennemys; principalement du regne d'un prince si pieux & d'une mere, qui ayāt pour douaire le bon-heur, la generosite & les vertus de son Mary, sera aussi heureuse & puissante à defendre l'Eglise qu'elle l'a esté à maintenir l'autorité de son fils, & conseruer ses subiects en paix & obeissance.

Nous sommes grandement consolez d'auoir faict chose en ceste occasion qui aye esté agreable à V. S. c'est vn excés de V. B. & du soin qu'elle a du gouuernemēt que Dieu luy a commis: qu'encore que nous

n'ayons rien faict que ce à quoy nos
charges & nostre deuoir nous obli-
gent de nous gratifier toutefois de
ce tesmoignage, pour nous rendre
plus affectionnez à y satisfaire: Nous
en remercions tres-humblement V.
S. & la supplions de continuer le soin
qu'elle a de l'Eglise en ce Royaume,
& la fauoriser tousiours de sa prote-
ction: avec laquelle nous esperons si
courageusement resister aux entre-
prises des ennemys de la Foy, qu'elles
leur seront vaines, & glorieuses à l'E-
glise.

Gampbell

très ordinaire & très vif contre
le maréchal D'Amor & sa femme.
Gaut est cité utilement. Il paraît
même d'un partiisme à penser.

ples. Mais par le malheur de la

